

Panangkontrol iti Pannakadadael ti Bunga ti Papaya iti Talon

Rumbeng ti umno a panagiggem kagiti papaya a mapuros para kadagiti lokal ken pang-export a pagtagilakoan. Daytoy a pakaammo ilawlawagna dagiti kasayaatan a kababalin ti panagpuros tapnon maikabassit ti pannakadunor ti berde a bunga. Ti pannakaisagid ti napalet a puraw a tubbog ti nadadael a bunga ramanenna dagiti dadduma a bunga a bumaba ti pannakailakoda.



Ti naannad a panangkissay kadagiti naganus a bunga ti papaya ipatalgedna ti nasayaat a panaggaadayo dagiti bunga iti kayo. Makatulong daytoy iti pannakagun-od iti panagpapada ti kadakkel, nasayaat a langada inton mapurosda.




Ikkaten dagiti nagango nga ungkay dagiti bulong tapnon malapdan ti pannakakarais dagiti bunga.



Usaren dagiti dua nga imam ket annadam iti panangisinam kadagiti burasem a bunga manipud kadagiti berde a bungbunga.



Ti panagusar iti guantes maikabassit ti pannakudis ti kudil dagiti bunga iti kukom. Nasken a masansan a madalusan dagiti guantes tapnon malapdan iti panakaurnong ti nagmaga a tubbog ken rugit a mangdunor iti kudil ti bunga.



Dagiti tugkik ken pannakalilid wenna pannakakarais ti kudil parnuayenna ti napalet a puraw a tubbog. Ti lugar aggango ken makita ti nailinnek a berde a sugat bayat iti panagluom ti bunga.



Putden ti puporsan ti papaya sakbay nga ikabil iti pagburas a supot/basket/kahon. Ipatakder ti bunga nga akinbaba ti puporsan ket punasan ti tubbog iti pungto ti puporsan kabayanan iti panagpuros. Ti tubbog mabalin a dadaelenna dagiti naluom nga amarillyo a prutas.



Buguan ken ikkaten ti nagmaga a tubbog, a makabalin a mangurnong iti rugit ken rinet nga aggapu iti paset ti supot/basket. Ti nagmaga a tubbog mabalinna pay a karaisan dagiti kappuros a bungbunga ti papaya. Ti masansan a panangdalus kadagiti alikamen ken usaren a pagpuros makatulong iti pannakaikabassit ti pannakadadael kadagiti napurosen a papaya.

Agpuroska kadagiti nababa nga agbungbunga a papaya no namaga. Usarem ti nalamuyot a punas a pangikkat iti rugit a dimket iti bunga ti papaya sakbay nga ikabil kadagiti supot/kahon. Dagiti rugit mabalinda a dunoren dagiti maidenna a napuros a bungbunga.

Laglagipem nga aginnayadka iti panagmanejom a mangibiahe kadagiti kahon iti lugar a pagbungonan nangruna no lasong lasong dagiti dalanan.



No plastik/binyal a kahon ti maaramat, dalusan ti diding ti kahon a masansan; no kayo a kahon ti mausar, arpawan ti datar ken diding ti kahon iti plastik. Mabalin pay nga abbongan ti ngarab ti napno a kahon iti saan a nakersang nga ules tapnon saan nga aggaraw dagiti bunga iti panangibiajem ken saanda a mainitan. Para iti pannaka protekta ti makan, nasken a nadalus dagiti pagabbong, nasanitise-da ken mammaminsan laeng a mausarda.

Daytoy a poster inaramidda Jari S.K. Sugano, Maria Derval C. Diaz-Lyke, Randall T. Hamasaki, Steven Fukuda, Robert Paull, ken Stuart T. Nakamoto, idia University of Hawai'i at Mānoa, College of Tropical Agriculture and Human Resources, iti pannakikadua ti Hawaii Papaya Industry.

Ti pondo, tulong a naggapu iti Agensia ti USDA Risk Management. Dakkel a panagyaman kadagiti miembro ti Hawaii Papaya Industry Association (HPIA), isuda a nangipaay iti panangasibay ti LIFE & RMH kadagiti talonda ken dagiti agtaltalon.